

**BOSNA I HERCEGOVINA
FEDERACIJA BOSNE I HERCEGOVINE
KANTONALNI SUD U ZENICI**

Rješenje pravosnažno i izvršno

**Broj: 04 0 V 005561 13 V
Zenica, 18.09.2013.g.**

Kantonalni sud u Zenici, po sudiji Ahmetović Hilmi, u vanparničnom predmetu predlagatelja „L. R“ d.d. Karlovac, Republika Hrvatska, zastupan po punomoćnici Almi Prnjavorac, advokatu iz Tuzle, Ul. Miška Jovanovića b.b., BiH, protiv protivnika predlagatelja „A.“ D.o.o. na adresi D.T. K. Bosna i Hercegovina, radi priznanja strane sudske odluke, dana: 18.09.2013.g. donio je:

RJEŠENJE

Priznaje se **pravosnažna i izvršna sudska odluka Platni nalog** Trgovačkog suda u Zagrebu, Republika Hrvatska, br: XXIX-P-4431/2009 od 26.11.2009.g. kojim se protivniku predlagatelja nalaže da predlagatelju isplati novčano potraživanje sa ugovorenim kamatama.

Obrazloženje

Predlagatelj zastupan po punomoćnici je dana 27.05.2013.g. podnio prijedlog radi **priznanja strane sudske odluke radi isplate novčanog potraživanja**. Uz prijedlog je dostavio: stranu sudsku odluku sa potvrdom pravosnažnosti i izvršnosti, punomoć i potvrdu o uplaćenju sudskoj taksi na prijedlog.

U odgovoru na prijedlog protivnik predlagatelja ističe da se ne priznaje i da odbija prijedlog predlagatelja, da je Trgovački sud u Zagrebu doveden u zabludu te da mu nije data prilika da pred sudom iznese svoje argumente.

Ocjenujući osnovanost prijedloga, Kantonalni sud u Zenici je utvrdio da se radi o stranoj sudskoj odluci o isplati novčanog potraživanja koja je pravosnažna dana 04.06.2010.g., a izvršna 04.06.2010.g. te da predmetna odluka nije u suprotnosti s osnovama društvenog uređenja Bosne i Hercegovine.

Budući da su ispunjeni zakonski uvjeti iz odredbi člana 86-97 Zakona o rješavanju sukoba Zakona sa propisima drugih zemalja u određenim odnosima (Sl. List R BiH, br:2/92), odlučeno je kao u izreci primjenom odredbe člana 101 istog Zakona, u vezi s odredbama iz člana 458 Zakona o parničnom postupku (Sl. Novine FBiH, br: 53/03, 73/05 i 19/06) i člana 2. stav 1. Zakona o vanparničnom postupku (Sl. Novine FBiH, br: 2/98, 39/04 i 73/05).

Sudija

Hilmo Ahmetović

PRAVNA POUKA:

Protiv ovog rješenja može se izjaviti žalba Vrhovnom sudu FBiH u roku od 15 dana. Žalba se podnosi putem ovog suda u dva primjerka.